

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Trg BiH 6 - 72 000 Zenica

Broj: 02-45-46-44/21
Zenica, 03.03.2021. godine

NK Čelik Zenica
Upravni odbor
n/r Direktor
Bulevar Kulina bana bb
72000 Zenica



NOGOMETNI KLUB
"ČELIK" ZENICA

Broj: U-111-042/21
Datum: 10.03.2021

PREDMET: Realizacija Sporazuma o saradnji

Poštovani,

U vezi sa Vašim aktom od 15.02.2021.godine kojim tražite uplatu iznosa od 18.509,82 KM na ime dospjele obaveze za januar 2021.godine na osnovu člana 2. stav 1. alineja 3. Sporazuma o saradnji broj: 732/20 od 12.11.2020.godine, ovim putem Vas pozivamo na saradnju i redefinisane citirane odredbe Sporazuma, te ukazujemo na nove okolnosti kako slijedi:

- Član 2. stav 1. alineja 3. Sporazuma o saradnji broj 732/20 od 12.11.2020.godine napisan je na osnovu Zaključka broj: 01-45-17039/20 koji je Gradsko vijeće donijelo na hitnoj sjednici održanoj 20.08.2020.godine. Tačka I tog Zaključka glasi: „Poslovni prostori u sklopu Stadionu „Bilino polje“ ostaju na upravljanje Gradskoj upravi, s tim da se sredstva dobivena izdavanjem navedenih poslovnih prostora preusmjeravaju NK „Čelik“ Zenica od 01.januara 2021.godine“.

Citirani Zaključak Gradskog vijeća nije bio provodiv iz razloga što isti nije u skladu sa odredbama Zakona o budžetima u Federaciji Bosne i Hercegovine (Službene novine FBiH br. 102/13, 9/14, 13/14, 8/15, 91/15, 102/15, 104/16). Prema članu 6. stav 1. tog Zakona, svi primici, rashodi i izdaci iskazuju se u budžetu prema bruto principu, što znači i zakupnina od poslovnih prostora kao prihod od imovine nalazi se u prihodu budžeta i ne mogu se preusmjeravati kako je to predviđeno spornim Zaključkom.

Dakle, u procedurama pripreme i usvajanja Prijedloga Budžeta grada Zenica za 2021. godinu, koji je usvojen na sjednici Gradskog vijeća održanoj 22.02.2021.godine, nije bilo moguće planirati preusmjeravanje sredstava od zakupnine poslovnih prostora u sklopu objekta Stadionu „Bilino polje“ za NK Čelik Zenica.

Gradsko vijeće je na istoj sjednici nakon usvajanja Budžeta donijelo Zaključak o stavljanju van snage Zaključka broj: 01-45-17039/20 od 20.08.2020. godine. Tačkom I stav 2. utvrđeno je da će „Grad Zenica svoju finansijsku podršku NK „Čelik“ Zenica pružati u skladu sa zakonom, aktima Gradskog vijeća i Gradonačelnika, te nadležnih tijela uprave, kojima se uređuje finansiranje sporta, uvažavajući finansijske mogućnosti i nadležnosti Grada kao jedinice lokalne samouprave“.

Iz ovog slijeda aktivnosti može se zaključiti da je odredba člana 2. stav 1. alineja 3. Sporazuma o saradnji potpuno neprovodiva, kako iz razloga što je u periodu 01.januara-31.mart 2021.godine na snazi Odluka o privremenom finansiranju u kojem periodu se shodno odredbi člana 35. stav 4. Zakona o budžetima Federacije Bosne i Hercegovine, finansiranje obavlja srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu, tako iz razloga što u Budžetu Grada nije bilo moguće predvidjeti preusmjeravanje izdvojenih prihoda od imovine (zakupnine od poslovnih prostora).

Suprotno postupanje odgovornih lica u Gradskoj upravi predstavljalo bi prekršaj iz člana 103. tačka 1.,2., i 3. Zakona o budžetima Federacije Bosne i Hercegovine.

S obzirom na naprijed navedene razloge predlažemo izmjene citiranog Sporazuma čiji prijedlog Vam u prilogu dostavljamo.

PRILOG: 1x Prijedlog Sporazuma o saradnji

S poštovanjem ,



DOSTAVLJENO:

- 1 x Naslov
- 1x Služba za BISZSDD na znanje
- 1x Sekretar GU na znanje
- 1x Gradsko Pravobranilaštvo na znanje
- 1 x a/a